

آبونه شرائطی

ممالك عثمانیه ده سنه لکی (۶۵)، الق
آیلر (۳۵) غروشد .

ممالك اجنبیه ده سنه لکی (۱۷)، الق
آیلر (۹) فرانقدر .

اداره خانه

باب عالی جاده سیده دائرة مخصوصه

اضطارات

آبونه بدلی پشندر .

§

مملکه موافق آثار مع الممنونیه قبول
اولنور . درج ایدلمه یازیلر اعاه
اولونغاز .

تذکره

۱۳۳۰

اضطارات

رساله مزیدن آیدیمکی کو-تیرمک شرطیلله
بتون یازیلر هر هانکی بر غزنه طرفندن
اقتباس اولونه بیلیر .

§

مکنوبیلرک، امضالرک و ضح و اوقوناقلی
اولمسی و آبونه صره نومروسی محتوی
بولونمسی لازمدر .

§

ممالك اجنبیه ایچون آبونه اولانلرک
آدرس لریشک هر انسزجه ده یارلمسی و جا
اولنور .

§

پاره کوندرلدیککی، ان نه یه د ثراولدیغمک
راضعا بیلدیلمسی و جا اولنور .

ایشته بونک ایچوندرکه حکومت مشارالیهایی زمانده کمال تهالکه استحضارات عسکریه سنی اونو قیور. ما کدونیا ساحه سینه پی در پی عسکر سوق ایدیور، دریدناو طر آلمه یه قویولور.

فی الحقیقه آطه لر مسئله سی لوندیره قونفرانسک قرارینه تودیع ایدلمشدر. فقط اولایوقاریده سردایتدیکمز بیانادن ده آکلاشیلدینی وجه ایله شو قونفرانسک یکی دن طویلانه جفی پک مشکوک بر شکل آلدی. اتفاق مثلث بویله بر قونفرانسه اشتراک ایتزه سه بالطبع قونفرانس ده تشکل ایتزه. دیگر طرفدن اتفاق مثلثک اشتراکی ایله قونفرانس تشکل ایتسه بیلله آطه لر حقنده ویره جکی قرارک هر ایکی طرفی ارضا واقناع ایده جکی پک مشکوکدر. مسئله نک بالاخره قلم ایله دکل، قلیج ایله حل ایدیلجکی پک واضحدر. بونی یونانستان حکومتی شمیدین کوریور و لازم اولان استحضاراتده بولنیور. بزم زمامداران امورک ده وضعیتی عین نقطه نظر دن محاکمه ایدره ک استحضارات حالنده بولندیققرینی امید ایدیورز. بتون علائم و اشارات، عقد ایدیلجک صلیحک پک موقت اولاجغنی اثبات ایدیور.

بزتون دول معظمه ایله آیری آیری ائتلافلر ترتیب ایدره ک آرامزده اوتهدنبری متکون منازع فیه مسائلک حالنه کمال فعالیتله چالشسورز. بعضیلری ایله ائتلاف حاصل اولدی. دیگرلری ایله اولمق اوزره در. بوسایه ده بزیر درجه یه قدر بعض غوائل و مشکلاتدن قورتوله رق حرکات واجرا. آتمزده سربستی به مالک اولاجغز. آندن صوکره اوکمزده داخله واسع بر ساحه فعالیت و خارجاده منافع حیاتیه ملیه یی تأمین ایچون تشبثات مبرمه آچیلور. داخلده اصلاحاته کیرشمکله برابر خارجاده ما کدونیا و آطه لرک یکیدن واک قریب بر زمانده بر میدان مجادله اولاجغنی نظر مردن بر آن بیلله دور طوتاملی یز.

احمد اغایف

وَتَائِفُ نَارِ الْيَحْيَةِ

استانبول معاهده نامه سی

۳- نومرولو ملفوف

تکمیل نامه

[۲۶۷ نجی نسخه دن مابعد]

طقوزنجی ماده

حکم محکمه سنک مسئله ویا مسائل منازع فیه حقنده کی قرارلری اشبو مسئله ویا مسئله متعلق اولان مذاکراته رئیس طرفدن نهایت ویرلدکن صکره حد اعظمی اوله رق بر آیی مدت ظرفنده اعطا ایدیلجکدر.

اوننجی ماده

حکم محکمه سنک حکمی قطعی اوله جق ویر کونه تأخر وقوع بولمق سزین تمامیه اجرا ایدیلجکدر.

اون برنجی ماده

طرفیندن هر بری کندیسنه عائد اولان مصارفله برابر محکمه مصارفی ده سیاناً تسویه ایلجکدر.

اون ایکنجی ماده

اشبو تحکیم نامه ده مصرح اولمیان خصوصاتک کافه سندده اختلافات دولیه نک صورت مصلحانه ده فصل و تسویه سینه مخصوص ۱۹۰۷ تاریخلو لاهی مقاوله نامه سی احکامی اشبو تحکیم نامه دن منبعث حکم اصولرینه دخی تطبیق ایدیلجک و مع ذلک عاقلر طرفدن حققرنده قیود احترازیه در میان ایدلش اولان ماده لر بوندن مستثنا اوله جقدر. اشبو مقاوله نامه ۲۹-۱۶ ایلول سنه ۱۹۱۳ تاریخنده ایکی نسخه اوله رق در سعادته تنظیم اولمشدر.

دولت علیه نامنه : طلعت، محمود، خلیل.

بلغارستان نامنه : صاووف، ناجوویچ، طوشف.

۴- نومرولو ملفوف

۲- نومرولو برقوقول

حدود کذرکاهی مریم نهرینی و عثمانلی و بلغار اراضیندن بکن و (مصطفی پاشا - ادرنه - دده آغاچ) شمندوفر خطی قطع ایتدیکی جهته مناسبات تجاریه و سائر نک اک اوافق موافق و قایه سی ایچون ایوم کرک مریم نهری و کرک مارالذکر شمندوفر خطی اوزرنده کی معاملات تجاریه حقنده جاری اولان نظامات ایله اصول و عادات و سائر ایله قابل تألیف اولان کافه تسهیلاتک بخش اولنمی طرفین عاقلین بیننده قرارلشدیرلمشدر.

حکومتین متعاقبین ایله سالف الذکر شمندوفر زهر اداره لری آرهمسندده اولجه برائتلاف عقد اولندقجه انلرجه برکونه تعدیلات اجرا اولنه میه جقدر. احکام سالفه شمندوفر ایچون انجق طرفیندن بلغارستان کندی اراضینسندده اطله رکیزینه براتصاق خطی و دولت علیه ده مذکور دکره منتهی برخطی عین زمانده انشا ایده جکاری کونه قدر تطبیق اولنه جقدر.

شوراسی مستغنی بیاندرکه وقت حضرده بلغارستان نهایت اون سنه ظرفنده وجوده کتیریلجک اولان خط میحوثک انشاسنه قدر کرک مذکور شمندوفر و کرک نهر اوزرنده افراد جدیده ایله عساکر، اسلحه، مهمات، ماکولات و سائر نقل ایتدیرمکده مختار اوله جقدر. حکومت عثمانیه ایجاب ایدن تدابیر تفتیشیه یی اتخاذ ایتک حقنی دائماً حائز اوله جقدر.

مع مافیه عساکر و سائر نک اشبو نقلیاتنه انجق بکوندن باشلامق اوزره اوچ آیدن اعتباراً ابتدار اولنه بیلجکدر.

اشبو پروتوقول ۲۹-۱۶ ایلول سنه ۱۹۱۳ تاریخنده ایکی نسخه اوله رق در سعادته تنظیم اولمشدر.

دولت علیه نامنه : (طلعت)، (محمود)، (خلیل)

بلغارستان نامنه : (صاووف)، (ناجوویچ)، (طوشف)

۵- نومرولی ملفوف

بیان نامه

معاهده نک اوننجی ماده سی مناسبیتله حکومت عثمانیه ترک اولنان اراضینک بلغار قوای عسکریه سی طرفندن اشغالندنبرو بلغار حکومتک حقوق حکمرانی سنی تحدید فکریله افراد بعض حقوقک ترک و فراغنه اصلا موافقت ایتمه مش اولدیغنی بیان ایلر. اشبو بیان نامه ۲۹/۱۶ ایلول سنه ۱۹۱۳ تاریخنده ایکی نسخه اوله رق در سعادته تنظیم اولمشدر.

دولت علیه نامنه : طلعت، محمود، خلیل.

بلغارستان نامنه : صاووف، ناجوویچ، طوشف.